

昨
非
庵
日
纂

昨非菴日纂三集廣慈卷之十一

閩中昨非居士鄭瑄漢奉甫輯
程伊川在經筵。聞哲宗在宮中盥漱。噴水避蟻。
因畢講。請曰。有是乎。曰。然。恐傷之耳。願曰。推
此心。以及四海。帝王之要道也。

陸宣公曰。國之令典。先德後刑。所後者。法應舒
遲。故決事不得馳驛行。下所先者。體宜疾速。
故赦書日以五百里爲程。

射鵝者引弓入林。則一林之鳥皆鳴。屠狗者帶
索行市。則一市之狗皆嗥。彼物豈甘就死。亾
哉。而世之悍夫忍人。乃誣物爲無知。何也。
隨所見物。發慈悲心。捐不堅財。行方便事。或恩
周多命。則大積陰功。若惠及一蟲。亦何非善
事。苟日增而月累。自行廣而福崇。慈滿人寰。
名通天府。蕩空冤障。多祉萃於今生。培漬善
根。餘慶及於他世。

習俗成風。宿根難拔。一片慈悲。若泥牛之入海。
久絕行踪。萬端貪戀。如飯鼠而落窩。終無出
理。慳囊自惜。覩悲鳴。曾不掉頭。飲噉。方奢見
膾。剝正爲摩腹。始以忍而成慳。復以饕而毀
戒。抑不思欲海沉沉。猶波逐浪。業風忽忽。如
影隨形。欲於無梯航處。設梯航。空在有功德
中。爲功德。

陶潛爲彭澤令。送一力給其子。書曰。汝旦夕之

費自給爲難。今遣此力助汝薪水之勞。此亦人子也可善遇之。

一斷不可再續。霏○膾○形○軀○片○片○是○含○悲○向○盡○既○
毀○豈○能○復○完○肢○分○炮○烙○物○物○都○抱○苦○就○終○夫○
五穀供人。尚且難消一粒。況群生自命。安得
妄毀毫端。誠念死者歷劫不能更生。吾食者
一刹那已化鳥。有方求生而不得。豈覩死而
甘心。

白龜年因入仙洞得一軸素書能知九地獸言。一日過潞州。太守知其能。延與坐。適將吏驅三十羊過庭下。中一羊鞭不肯行。且悲鳴。守曰。羊有說乎。龜年曰。羊言腹有羔將產。俟產訖。甘就死。守乃畱羊驗之。果生二羔。周豫學士嘗煮鱖。見有鞠躬向上。以尾首就湯者。剖之。見腹中有子。乃知鞠躬避湯者。以愛子故也。

以彼肥甘。恣我口腹。試思昨日之泳躍。翱翔。今
歸何地。恍見生前之飛鳴。飲啄。已化。既中則
入珍羅。前盡屬呼號。冤業。五鼎在列。皆爲冤
轉遊。竟自然。心惻。豈復下咽。抑且臂縮。不能
染指。

桂古山自言。近日收得淨軍三千入內。亦是一
大事。湛甘泉不以爲然。古山云。吾固憐之。甘
泉曰。固是惻隱之心。今年旣收入三千。明年

必有奄割三萬者則此三萬何辜可知一念之愛不必憑須得全體兼炤無漏

蘇子瞻詩曰捲簾歸乳燕穴窻出癡蠅爲鼠嘗畱飯憐蛾不點燈吾輩嘗作此觀何患民胞物與之念不從此生傷人害物之心不從此滅

吳越甘蛙齊人見之毛起幽燕嗜蝎越士覩而寒心此豈嗜性故殊良繇習累所異誠思同

性不忍傷性。有生豈以供生。夙錮一開。六根
頓淨。欲網重重。金剛劍不揮。自裂殺機。種種
長生國。不涉誕登。

人生世間。愚濁者多。而況婢僕。尤無奈何。便不
一稱意。且莫譴訶。付之一笑。心氣平和。

國朝穆宗。嘗食驢腸而甘。左右請詔。光祿曰。若
然。則光祿當日殺一驢。以備宣索。吾不忍也。
元余闕守安慶。號令嚴信。與下同甘苦。嘗戰矢

石交下士以盾蔽闕必却之曰汝輩亦有命
何蔽我爲故人爭用命

蘇東坡曰余少不喜殺生時未斷也自得罪下
獄始意不免既而得脫遂自此不復殺一物
有餉蟹蛤者放之江中雖無活理庶幾萬一
便不活愈於煎烹也已親患難不異雞鴨之
在庖廚何忍以口腹之故使有生之類受無
量怖苦耶

洪武中太祖嘗召秦晉燕周四世子入侍一日
令燕世子閱皇衛卒還奏遲問何後也對曰
旦寒甚衛士方食俟食既乃閱以故遲太祖
喜曰善孺子知恤下人乎又令閱奏疏獨取
言及民瘼者上白太祖喜曰兒生長深宮乃
亦知民間有疾苦事乎

耕夫血成汗減價糶新穀忍寒與冬衣依限免
敲扑正額假開銷羨餘飽鼠腹那怕饑甕餅

紙錢多預蓄

蓮池大師云。予作放生池。疑者謂魚局於池。無
活潑趣。不若放之湖中。予謂池雖隘。網罟不
入。湖雖寬。晝夜採捕。陋巷貧而樂金谷富而
憂利害均也。又疑無活潑之趣。則有一喻。坐
關僧住室中。循環經行。隨意百千里而不窮。
徜徉自得。安在其不活潑也。今幸處平世。城
中之民。以城門之啓閉爲礙。一旦寇兵壓境。

有城者安乎。無城者安乎。漁喻寇池。喻城人。以城爲衛。何局也。魚可知矣。

每饌烹羊羔。未見長肌肉。今朝血濺地。明日仍。枵腹。彼命縱微賤。痛苦不能哭。殺我待如何。將人試比畜。

予初不舉罪福報應。但請于執杖磨刀。捕捉搏。擊之時。暫試回心。一觀觀彼衆生。迺窺飛透。投冥入隙。恨天不賜梯。地不借孔。與人類怖。

畏王法聞有擒追覓散魄震者有異無異觀
彼衆生黨類相憐棲聚相並如割一雞則衆
雞驚啼屠一猪則群猪不食與人類被執前
官閭門徬徨或當死別六親踊哭平日眷愛
難割難捨有異無異觀彼衆生臨縛被刀寔
轉悲鳴冀或見赦血漑命斷聲猶汶汶時或
動掣與人類疾病無措號禱念佛庶幾保護
神識告離迸眼努唇手足牽引以冀或存荷

異○無○異○若○謂○有○異○是○未○嘗○觀○卽○今○請○觀○若○謂○
無○異○惻○忍○安○在○卽○今○請○斷○

淮徐山東饑 仁宗坐西角門召大學士楊士

奇○令○艸○詔○免○稅○糧○之○半○及○罷○官○買○士○奇○對○曰○

可○令○戶○部○工○部○與○聞○ 上○曰○救○民○窮○當○如○救○

焚○拯○溺○不○可○遲○疑○有○司○慮○國○用○不○足○必○持○不○

決○之○議○卿○等○姑○勿○言○ 命○中○官○具○紙○筆○令○士○奇○

等○就○西○角○樓○書○詔○用○璽○遣○使○齎○行○ 上○顧○士○

奇曰汝可語戶工三部朕悉免之矣

仁宗爲太子時至鳳陽謁陵畢過鄒縣見民男
女持筐路拾艸實者駐馬問所用民跪對曰
歲荒以爲食太子惻然下馬入民舍視男女
皆衣百結灶釜傾仆歎曰民隱不上聞至此
乎顧中官賜之鈔而召鄉老問其疾苦撤所
食賜之時山東布政石執中來迎責之曰爲
牧民而視民窮如此亦動念否執中言被災

處皆已奏乞停今年秋稅。太子曰。民餓且死。尚及徵稅耶。速發官粟賑之。執中請人給三斗。日且與六斗。汝無懼。擅發倉廩。吾見上當自奏也。

或謂物類克塞。恐無所容。豈知現前被殺之衆。俱是前生好殺之儔。輪迴之理。言之痛心。若戒殺之人。既多。則可殺之物自寡。是故虎雖殘。而知徒鯁。雖暴而可驅。若慮人不食。獸獸

將逼人何不慮人不食人人將相碍乎

善生人類惡生物類托生均此靈光物多人殺
人多鬼殺畏死同茲怖念誇珍說味誰肯持
刀戕自己形軀戒殺禁饒免得轉世酬衆生
冤債

燕鶯巢產盡護惜弱息嬌雛蠓蟻穴居各棲止
安窩樂舍驚棲發蟄奚望門戶清寧覆卵傷
胎難冀胤嗣繁盛

黃汝楫贖還千人。方可稱給孤長者。曹武穆不傷百物。此之謂天大將軍。

人身有一疾。呻吟徹眠夢。買藥與呼醫。告佛仍設供。諸佛雖不語。愍汝顛倒重。殺羊食其心。何不念他痛。

偈羽毛鱗介。名曰五蟲。天地生之。均之爲子。豈其生各種之子。供一種之子之食。豈其憂一種之子之素餐而死。忍令各種之子之負痛。

捐生。今人不至殺人而食。不過畏法。不敢畏。因果。不習。設其不爾。屠酤之肆。且懸人肉。如林。若黃泉。置春磨。塞秦宗。權載鹽屍。給軍。楊完者。掠人爲糧。通若山東大饑。父子夫妻。遞相殺食。便安。然食人。無少掣蹙。將人亦天生。以供人食者耶。今人過屍林。義塚。齧骸狼籍。無不穢嘔疾趨。乃不悟食噉衆生日以臟腑。爲衆生屍林。義塚形。則人而臟腑。化衆生久。

卷之三
八
矣。一旦眼光墮地。命命填償。諸趣遍歷如遊
園觀。鑊湯爐鐵。雨劒風刀。無有出期。墮臍無
及矣。豈不哀哉。

擬寒山詩曰。老翁死却兒。晝夜搥胸哭。痛心徹
骨髓。叫云我孤獨。何不返思量。恣啖猪羊肉。
羊豈不思兒。猪亦有眷屬。

孝宗朝詔婺州市牛筋五千觔。時李侍郎榛爲
婺守。奏一牛之筋纔四兩。今必求此。是屠二

萬牛也。上悟爲收前詔。

蔣給事性中在京燕客已卜日矣。適隣家子喪。公言彼方悲哭而吾何忍歡笑。遂止之數日。喪去乃召客也。

正德己巳大水。鄉民饑。曹公時中貸米百石。又力勸諸大夫行賑。鄉民賴以全活者甚衆。親黨招飲皆不起。日民絕粒而我輩乃列筵哉。日食亦止。蔬食候歲稔始如掌。

怒既累德○亦復傷生○欲令當境和平○須在平時○
仁愛○

鎮江軍士范某妻○病勞瘵○瀕死○有醫者云○用雀
百頭○制藥末○飼之○至三七日○服其腦○當痊○然
一雀莫滅也○雀有死者○旋買之以充數○范依
言○籠雀妻聞之○恚曰○以吾一命殘物○百命寧
死○決不爲此也○奪籠放之○未幾病自痊○且懷
妊○生男○男兩臂中○各有黑痣○如雀形○一飛一

俛明毛分明不減刻畫

民饑而我梁肉。如茹荼毒。民寒而我褐製。如被
荆棘。民愁而我歌拍。如聞嗃咽。民勞而我安
閒。如在痼瘕。故臨民者。終日屹屹。惟上念頭
上之。彼蒼下軫。眼前之我。亦

鄒幹爲兵部郎中

英廟北狩。京城戒嚴。幹起

遷本部右侍郎。凡處繁應變。多不待奏報而
行。一日鄉民萬餘。欲避虜城中。守者難之。幹

日○立○城○本○以○衛○民○耳○急○而○拒○民○于○外○可○乎○立
主○納○之○全○活○者○衆○

梁武帝遣人放生于石頭城下洲置十戶在洲
旁掌穀粟以飼魚禽名長命洲魏李恕來帝
適放生問曰北主頗事此乎恕曰本國不放
亦不取

雞造殺業故不免一刀而我不殺焉則固已省
目之一刀耳是故佛氏見殺如割自身不獨

爲受殺者代其見時之痛。又爲造殺者代其將來之痛。衆生未及知。而慈父如眼數兩見之了了矣。

賓筵苦醉飽不堪。則何不携杯盃一二以施之。餓而欲死者。使足于半菽。可生也。何不以殘杯冷汁施之。于生平不知肉味者。使其知人間之有此味也。

昨非菴日纂三集口德卷之十二

閩中昨非居士鄭瑄漢奉甫錄

利泰西云造物者製人兩其手兩其耳而一其
舌意使多聞多爲而少言也其舌又置之口
中與淡而以齒如城唇如郭鬚如櫟三重圍
之誠欲甚警之使詗于言矣不爾曷此嚴乎
著警勸書拔衆靈超業海雖細善應生堯率作
綺艷語導羣盲入愛坑任高才定墮泥犁

浦水之濱。有富人溺死。得其屍者。索贖千金。其家患之。謀於鄧析。析曰。第安之。必無買此者。求贖者見其不動。亦謀於析。析曰。第安之。必無更賣此者。余見今世儉人。遇兩爭之家。而陰爲主畫。必令相持不下。然後得恣其顛倒眩亂之說。彼此線索盡在握中。以收其利。此皆鄧析之教也。

南部考察刑部出一郎中時劉公忠爲太宰人

問劉何以得其情而黜之。搗之曰：王顧左右而言。他時考功王韋驗封顧璘，皆爲劉所信用。故云言恰合而語傷讒刻矣。

黃謙工部主事會試時過書肆有菊坡叢話四冊持閱之。傍一人從公借閱視其貌寢甚。調之曰：老鼠拖生薑，譏其無用也。其人微笑。私問公姓名。後與公同第。官刑部會公以寅緣事發，叅送法司。其人坐公受賄削籍。過司日。

大聲曰。老鼠拖生薑。公始悟結怨之緣。

紹興末。朝士多饒州人。時人語曰。諸公皆不是
癡漢。又有監司發薦京官狀。以關節欲與饒
州人。或規其當先孤寒。監司者憤然曰。得饒
人處。且饒人。

聞君子議論。如啜苦茗。森嚴之後。甘芳溢。頗聞
小人諂笑。如嚼糖水。爽美之後。寒沍凝腹。
宋民有祝期生者。儇薄好彰人短。人有體相不

具者譏笑之。妍美者嫉毀之。愚者侮之。智者
訾之。貧賤者鄙薄之。富貴者訕謗之。官僚則
訐陰邪。士友則發隱曲。其門閥才望無可擬
議者。則必巧摘其短曰。乃祖微人也。乃父鄙
人也。母家工商也。妻家駟儉也。弟不良也。子
不肖也。有小過者。必增飾以成其短。甚至以
無爲有。以十爲百。以疑似爲端的。以偶然爲
故犯。以不得已爲優爲。以錯誤爲情實。度其

人可欺。卽面折之。衆辱之。待他人如此。待親族亦如此。平生知識。無不在貶剝之中。甚者目父母爲頑。目兄弟爲管蔡。教人興訟。已復和之。教人詛罵。已復証之。習之旣久。不以爲異。晚年病。舌黃。每作。必須使刺出血。數升乃已。旣而復作。又須刺之一。歲間作者五七。痛苦切至。竟至舌枯而卒。

夏閤老謹言行語云。人生宜守口。話言當自考。

多知多是非。少管少煩惱。布德反爲讐。施恩
成不好。相逢但寒溫。萬事皆默了。不必揚人
惡。切莫誇己善。行人口似碑。好友悉皆見。祿
厚恐禍生。言深慮交淺。何如藏舌鋒。彼此無
欣怨。

吳庠妻謝氏。其子名賀。賀與賓客言及人之長
短。夫人屏間竊聞之。怒笞賀一百。或解夫人
曰。減否士之嘗。忍笞之。若是。夫人曰。愛其女。

者必取三復。白圭之士妻之。今獨產一子。使知義命而出語。忘親豈可久之道哉。因涕泣不食。賀因繇是恐懼謹默。

士大夫處世。能絕四語。可與論道矣。一日耳語。一日目語。一日手語。一日足語。啞聲而談者。私也。睥笑而談者。險也。握手而道者。僞也。躡足而告者。昵也。言堂滿堂。言室滿室。在朝言朝。在家言家。君子之言如是。

縱意之。頻笑成千古之憂。游口之春秋中。一生之毒。

金性雖質。處劍卽凶。水德雖平。經風卽險。人性雖善。惟口興戎。

劉貢父幙次與三衛相鄰。諸帥玩一水晶盃。問何物而瑩潔若此。貢父應聲曰。此多年老冰也。四字傷若干。和結若干。怨。

徐孟章有言曰。仕路乃毒蛇聚會之地。君平昔。

心腸條直全不使乖。今却不宜如此。坐中非但不可談論人長短得失。雖論文談詩亦須慎之。不然謗議交作矣。

韓朝侯與棠樾公語。而終夜獨寢。慮竊言之。露于妻妾也。孔光不對溫室之樹。恐內言之。泄于左右也。呂公著不荅語次嘉問之問。恐言論意指之。窺測於門客子弟也。

清慎如盧懷慎矣。而世有伴食之誚。忠勤如李

文靖矣而世有無口。抱之譏恒人之言。顧可深據哉。

凡一事而關人終身。總實見實聞。不可着口。凡一語而傷我長厚。雖閨談酒謔。慎勿形言。

清獻座右銘有曰。盛怒中。勿荅人簡。旣形紙筆。溢語難收。荀子謂傷人之言。甚於矛戟。况形紙筆乎。

夏學正病有傳。方焚漆頭巾。作灰酒服之。煩燥

而卒太宰張濬志其墓曰少學於學官既官
于學官今也卒於學官嗚呼夏公黃僞之爲
改數字少學于頭巾既官于頭巾今也卒於
頭巾嗚呼夏公太宰聞之嘆曰真油嘴也

聞人譚一善事述一善人必巧爲無端不可解
之語逆奪之使滿座哄然而譚者色沮然後
爲快既造口業亦增意業一生聰明用之此
處大可惜矣

唐憲宗嘗稱李泌云朕言當卿嘗有喜色不常
嘗有憂色雖時有逆耳之言而氣色和順無
凌傲好勝之志直使朕中懷已盡而屈服不
能不從吁彼以直慙爲忠者難爲君矣

水滸一編倡市井荏苒之首會真諸記導閨房
桑濮之尤安得罄付祖龍永塞愚民禍本
對人無可說話慎勿強尋閒話來說不是承迎
世人求爲歡悅便是自家無着落消遣不過

陳了翁曰言滿天下無口過非謂不言也但不
言人是非長短利害所以無口過

虛齋曰有道德者必不多言有信義者必不多
言有才謀者必不多言惟見夫細人狂人佞
人乃多言耳明道曰德進則言自簡

寧鳩子曰喜極勿多言怒極勿多言醉極勿多
言晦翁曰覺言語多便簡默

人情厚密時不可盡以密私之事語之恐一旦

失歡則前言得憑爲口實至失歡之時亦不
可盡以切實之語加之恐忿平復好則前言
可愧大抵忿怒時最不可指人隱諱反暴其
父祖之愆蓋一時怒氣所激惟恐語之不深
事之不切而不知彼之怨恨已深入于骨髓
古人謂傷人之言深于矛戟俗亦謂打人莫
打膝道人莫道實是也

古人制口字虛其中曰止加一原不爭多

蟬之爲物。吟風吸露。最稱無求。猶不免螳螂之
患。爲其噪也。故君子不以清高而忘慎密。
不妄語。不多語。不道人隱事。不摘人微過。不言
已無干涉事。不言人有關係事。論人無捨短。
而棄長。論已無登枝而忘本。交淺者無與深。
言調別者無與強言。陰刻者無與言衷情。輕
疎者無與言密事。語財不及非分。語色不及
邪緣。彈射官箴。月旦人品。不及愛憎。不及風

聞譚經濟外寧談藝術可以給用談日用外
寧談山水可以息機談心性外寧談因果可
以作善

元祐中黃廷堅與趙挺之俱在館閣黃以其魯
人意嘗輕之每庖吏來問食次趙必曰來日
喫蒸餅一日聚飲行令先生云欲五字從首
至尾各一字復合成一字趙沉吟久之曰禾
女委鬼魏先生應聲曰來力勅正整協趙之

音合坐大笑趙又嘗曰鄉中最重潤筆每一
誌文成則太平車中載以贈之先生曰想俱
是蘿蔔與瓜瓞耳趙銜之切骨其後擠排不
遺餘力卒致宜州之貶

言語之當慎正在當快意時遇快意人說快意
事

飛語母憑必稽其實一人母信尚審諸同行事
可疑更度其時勢一節可指必考其生平君

子甚無輕議人也。況是非臧否有一時而定而定于數十載之後。有當世不明而明于數百載之下者。君子甚無輕議人也。

面諛之辭。有知者未必感。背後之議。徇之者嘗至刻骨。

一時勸人以口。百世勸人以書。較之與人爲善。雖有形迹。然對証發藥。時有奇效。不可廢也。不面斥朋友之失。而以他事動其機。亦是成物。

之智處

鳳凰終日鳴○卽非祥瑞○虎豹終日呌○亦不驚人○
言雖至當○毋寧減之○

論理要精○詳論事要剴切○論人須帶二三○分渾厚○

昨非菴口纂三集內省卷之十三

閩中昨非居士鄭瑄漢奉甫輯

張子韶先生○于書室中○置孔顏及諸儒像○晨夕
瞻敬○心志肅然○有一毫愧心○其見諸人也○如
市朝之撻○

人不可無所期待○無所期待○則一味悠悠○人又
不可有所期待○有所期待○則終日拮据○會須
將宇宙事業○看作一力擔當○却不將宇宙事○

業○看○作○一○生○佔○盡○

人○生○世○上○那○管○得○許○多○那○好○得○許○多○那○能○使○人○
人○說○好○那○能○使○人○不○說○吾○不○是○只○要○做○事○十○
分○不○差○心○上○無○愧○便○了○聖○人○也○只○說○得○一○箇○
寡○悔○耳○此○道○明○白○心○中○便○得○寬○平○快○活○

祖○逖○字○士○雅○慷○慨○有○志○節○嘗○與○劉○琨○共○臥○聞○雞○
鳴○蹴○現○曰○此○非○惡○聲○也○因○共○起○舞○元○帝○時○爲○
豫○州○刺○史○渡○江○擊○楫○誓○曰○不○清○中○原○而○復○濟○

者有如此江

人生真實受用。無大於身無病苦。心無愧怍。仰泰然。夢寃恬穩。此是神福。眼明脚健。食寢甘適。此是形福。此外都不關吾事。死生之事。昔人謂之火傳。吾今譬之徙宅。一友云。不知新居何如。余曰。舊宅做得人家。新居自然無恙。不然。如蕩敗子弟。棄其金堂朱戶。而僦一破屋荒廬。必有不可堪者矣。

有以名利之說來者○勿問大小○悉宜應以淡心○
有以是非之說來者○勿問人我○悉宜處以平○
心有以學問之說來者○勿問合否○悉宜受以○
虛心○此大受用寶訣○

大梅法嘗禪師住山○馬祖聞之○令僧問和尚得○
箇甚麼○便住此山○師曰○大師向我道○卽心是○
佛○我便向這裏住○僧曰○大師近日佛法又別○
又道非心非佛○師曰○這老漢惑人○未有了○

任他非心非佛我祇管卽心卽佛僧回舉似
馬祖祖曰梅子熟也

恩讐分明此四字非有道者之言也無好人三
字非有德者之言也後生戒之

討好色于密室逢千金于廣野遇大敵于忽然
聞讐人于垂斃好一塊試金石

矜字從矛伐字從戈心中如何容得這箇物事
熱腸以救萬物危苦冷眼以觀世態炎涼

霍光出人禁闥二十餘年。小心謹慎。未嘗有過。爲人沉靜詳審。每出入下殿門。進止有嘗處。郎僕射竊識視之。不失分寸。

陳仲醇與諸友登塔絕頂。謂友曰。大抵做向上人。決要士君子鼓舞。只如此塔甚高。非與諸君子乘興覽眺。必無獨登之理。旣上四五級。若有倦意。又賴諸君子慫慂。此去絕頂不遠。旣到絕頂。眼界大地。位高。又須賴諸君子提。

斯警惺。跬步一差。易至傾跌。只此是做向上
一等人榜樣也。

德盛者。心和平。見人皆可交。德薄者。心刻鄙。見
人皆可訛。人靜夜自念。我所許可者多。則我
德日進矣。我所未滿者多。則我德日減矣。
乍交不爲小人。所悅久習。不爲君子。所鄙如是
乃可見品。

大凡應大變處。大事須是靜定凝重。如周公之

赤舄几几是也。漢武帝因不移步識霍光。因不轉盼識金日磾。亦是窺見他靜定凝重處。故逆知可以託孤寄命。

公孫弘舉賢良。家貧不能行。國人鄒長倩解衣示之。脫冠履與之。又贈生芻一束。素絲一穗。撲滿一枚。作書告之曰。芻之爲物。縱則亂。束則謹。人情無以異此。縱則窮。濫而富。驕。謹則高。而不危。滿而不溢。十忽爲絲。夫絲至微也。

十忽而後成則物未有不積微以至著者而
況善乎積善則名斯成行斯顯加素焉則爲
玄爲黃爲朱爲紫又待人而成也撲滿者以
土爲器而用畜錢也有入穴無出竅夫土微
物也錢重貨也以微物蓄重貨人而不散則
有傾覆之敗而況於人知此三者以之脩身
以之應事以之守富貴無人非無物累君宜
寶之

偽道學何從辦功名到手半化爲泥塑孔周假
氣魄不難知禍患臨頭盡轉作堦堅龍比節
無巢許遂令枯隱多克才有蕭曹因使猾胥
飾假狐技寧能掩尾羊質何事蒙皮

見義勇爲纔蹉跎慮明日陰晴難定當仁不讓
稍退却懼他年懊悔靡追博得浮于志願酬
酣睡已將醒矣等待尚平婚嫁了名山能果
述乎

用聖典拭几糊窗。定陰劑。一生壽算。刻姪書災。
梨賊棗必遠遺。七祖火殃。故武安願天生好
人。文昌勸世惜字紙。

罵座揮拳爲歡之酒。爲禍枯精竭髓。生人之色。
殺人故愛惜精神。畱此身擔當宇宙。昏朦志
氣。將何物報答君親。

姜車騎爲漢討賊。直至破膽軍庭。始是漢亡之
日。文丞相爲宋存孤。直至落頭柴市。方爲宋

滅之年每想斯人輒爲流涕

詆緇黃之背本宗或襟帶壞聖賢名教冒青紫
之志故舊或衡茅傷骨肉天倫請作平等之
觀勿輕責備之口

屠緯真曰凡夫迷倒有極可笑可愍者晝夜食
猴羹以爲犬肉也則食之而美及明而知其
猴肉也則嘔吐夜飲髑髏之水而清甘明而
見髑髏也則大生厭惡一彌于瑕也當其愛

之則見孝親不見嬌駕見愛已不見餘桃及其惡之則見嬌駕不見孝親見餘桃不見愛已其人美也則一過之處有遺香一見之後有餘想其人醜也則經用之器亦嫌坐臥之處必避男女之身一也髮則欲其黟然而黑而皮肉則否皮則欲其皙然而白而毛髮則否男人之巾幘與女子之冠髻一也當其高時則見低者而笑當其低時則見高者而笑

尊官臨卑是官尊非我尊也而我榮卑官奉尊是官卑非我卑也而我恥同一進賢冠也在公卿之首則冠美在尉丞之首則冠醜鶴與鷺同形也見鶴服則作華想見鷺服則作不華想蔬食菜羹同味也出富貴之庖則作美想出貧賤之廚則作不美想臭穢一也遭之於路則嫌其臭穢感於男女則不啻香潔愛身也則蚊蚋思其傷燈火思其灼迷於利

慾也。則刀兵水火不顧熬煎油鼎甘心。子
一也。子則視爲骨肉。女或視爲路人。兄弟與
朋友孰親昵。狎則朋友勝于兄弟。爭產則兄
弟化爲仇讐。以一念慈悲故則愛惜。肖翹如
同一體。以一念殘忍故則戕殺。子女不及肖
翹。愛則祝願。惡則咒詛。儼若我操造化之權。
阿所好則譽。忌才美則毀。豈謂人全無人倫
之鑒。苦而愁。明知愁之無益。而不能不愁。喜

而樂明知樂之無度而不能不樂日出而作
依然仗備而夜來謀慮萬端一息不來便無
明日而刻下經營千歲迷惑種種聊指出以
問人

羅念菴先生每自言二十年苦功方磨去得狀
元兩字此兩字去然後可以用世可以出世
然以公天性之篤亦須二十年功夫始得則
知驕吝在嘗人何可易言無也

爭財利而同市井徵色發聲固是鄙夫逞學問
而向庸愚論古評今亦稱俗物

粒粟民汗寸帛民皮一錄民骨髓固知爵尊祿
一厚不易承當圓蓋我父方輿我母庶類我弟
昆只此耳聰目明儘難消受

讀書不曉世務名曰肉廚學道不辦誠心號爲
紙筏

夢裏指羊作駟四大分離日那有主張病中度

日如年三餐調適時可無警省

王陶徵時苦貧寓京師教小學其友姜愚氣豪樂施一日大雪念陶寒餒雪行二十里訪之陶子母凍坐日高無炊烟愚爲解錦裘市酒脯薪炭與附火對食又損百千爲之娶及陶既尹洛愚時老而貧且失明自衛州新鄉往謁之意陶必厚遇陶對之邈然但出尊酒而已此等人讀韓王孫傳寧不愧死

太宗征遼東時房玄齡爲畱守或有上書譖其
謀反者玄齡問之曰我乃奏君不發封而付
之太宗接奏問所告何人曰房玄齡不啓書
而斬之

國家設官凡部銜皆以清吏二字其飭簠簋之
意稔重然清乃官箴之始基猶貞乃女德之
始基不足恃也居官者以廉之一節自滿而
種種戾氣批政伏焉則是婦人無淫行而遂

可○詈○翁○姑○壓○夫○子○叫○噪○於○妯○娣○間○矣○諺○曰○清
官○無○後○夫○刑○官○無○後○宜○也○清○官○而○罹○絕○嗣○之
報○豈○天○道○爽○哉○所○以○致○此○者○可○深○思○也○

死○忠○死○孝○隸○卒○人○奴○盡○屬○山○河○正○氣○如○鬼○如○蜮○
王○侯○將○相○胥○爲○坑○塲○陰○魔○

高○閣○置○書○封○倉○箱○而○枵○腹○瞞○心○掙○產○衣○寶○玉○以
焚○身○

東○郭○公○云○古○人○惜○陰○云○一○刻○千○金○一○年○之○間○有○

許多金子既不賣人又不受用不知放在何處只是花費無存可惜可惜。

人人有一片潔白自受用地斷非他人所能分
享。人人有一撇不下擔子斷不能僱倩與人。
其他可攬可推任情起倒者皆世界中事非
我事也。

至道之用嗇鄙細不可吉人之調寡深密不可
節俠之生輕鬪狠不可通達之財疎暴殄不

可才子氣高矜驕不可廉吏守嚴刻剝不可
市中國而詬甲曰爾無天理乙曰爾無天理甲
曰爾欺心乙曰爾欺心陽明先生聞之謂弟
子曰聽之夫夫諄諄講學也弟子曰詬也焉
學曰汝不聞乎曰天理曰心非講學而何曰
既學矣焉詬曰夫夫也惟知責諸人不知反
諸已故也

君子不能勝小人小人嘗易勝君子故置膏蘭

於猶中。不聞香氣。雜纖鉛於金內。便減精光。
赤子初生。光光只有此身。更無美衣。美室。各項
帶來。及其既歿。亦光光只有此身。更無美衣。
美室。各項帶去。中間惟有此心。此理。全生全
歸。可以帶去者。却又爲美衣。華屋。各項弄壞。
豈不是大罪過。

世人死醜者。千萬而一。死於宴安者。天下皆是。
地之於車。莫仁於羊腸。而莫不仁於康衢。水

之於舟。莫仁於瞿唐。而莫不仁於溪澗。端居
之暇。嘗試思之。使吾志衰氣惰者。誰歟。使我
功隳業廢者。誰歟。使吾縱欲忘返。而流於惡
者。誰歟。使吾弛備忘患。而陷於禍者。誰歟。是
宴安者。衆惡之門。以賢入者。以愚出。以明入
者。以昏出。以剛入者。以懦出。以潔入者。以污
出。殺身滅國。項背相望。豈不甚可畏耶。

魏于禁降關羽。惟龐德不屈而死。後孫權害羽。

獲禁送還魏文帝先令詣鄴謁高陵預於陵
星畫羽戰克麗德憤怒于禁降服狀禁見慚
恚死唐克復兩京令百官受賊官爵者皆脫
巾徒跣立於含光殿前帷首請罪甄濟布衣
不受僞職詔起詣京師上命館於三司令受
賊官爵者列拜以愧其心旌別若此當時列
拜曾無一人能爲于禁之愧死者蓋其心死
固已久矣

元順帝閱宋徽宗書稱善。夔夔進曰：「徽宗多能。惟一事不能。」帝問何事。曰：「獨不能爲君。周正夫曰：仁宗皇帝百事不會。只會做官家。」

地上有門曰禍門。而作惡者自投之。孰驅而納之。地下有門曰鬼門。而好色者自趨之。孰引而置之。此二門者。皆一入而不出者也。

持家者。持二字符。曰勤。曰儉。夫孳孳乎種德。布惠而後爲勤。淡淡乎聲利。百好而後爲儉。今

之所謂勤儉貪耳。吝耳。

毋多受小人私恩。受不可酬。毋一犯士君子公怒。犯不可救。

人但知口中有劍。不知枕裏藏刀。牀褥間。謔浪不根之語。或乘醉飽。過爲鋪張。一入婦人之耳。彼卽信爲必然。執爲終身。詈口。櫛柄。或甚之。生心。啓釁。余往往見之。乃知閨闔中。自有畏途。禍門不第在外人齒頰也。

黃叔相嘗爲吾言。士君子當功名富貴。得喪毀譽。死生禍福之衝。須是臨崖撒手。慧劍斬魔。方不牽纏葛藤。墮落坑塹。吾誦其言。洞然有悟。

父祖做的。便是子孫楷式。主人行的。便是厮僕效法。非禮之言。切莫內談。醉飽之語。慎勿外洩。

樂意相關。須得一種收斂念頭。煩鉅當面。須有

一番寬和氣象

對天可說。方開口。與性無加。勿動心。

處富貴。勿聽僕隸之言。值貧賤。莫信妻孥之計。恐妻孥之計短。而僕隸之言貪且險也。

文清曰。爲官最要安重。下所瞻仰。一發言不當。殊愧之。又曰。接下不可一語冗長。又曰。待吏卒公事外。不可與交一言。

天下事大都命制我者十之五。我諉命者十之

入故行先立志學惟自奮

尤西山曰毀譽皆切磋之資譽者指我以前途
毀者告我以險阻

康節詩立身要爲真男子臨事無爲淺丈夫又
施爲欲似千鈞弩磨礪當如百鍊金又在尋
常時觀執守當倉卒處看施爲又不作風波
於世上自無冰炭到胸中又生平不作皺眉
事天下應無切齒人又誰將酷烈千般毒化

作恩光一派深。又旣愛且憎。皆是病靈臺。何
日得從容。又稍隣美譽。休多取。纔近清歡。莫
賸求。又果然得手。性情上。更有埋頭利害間。
又才高正被聰明使。身貴方爲利害移。又大
得。却須防大失。多憂元只爲多求。又欲爲天
下屠龍手。肯讀人間非聖書。又炤破萬古事。
收歸一點真。又禍福眼前事。是非身後名。又
無疾之安。無災之福。又多與招客。多取招損。

言言皆可藥石。

敬齋曰。無事時不教心空。有事時不教心亂。
外護其身。如惜千霄茂樹。勿縱一斧之傷。內護
其行。如惜渡海浮囊。勿容一鍼之漏。脩道之
士。要知二護之法。

孝陵好微行。嘗夜出。暫止逆旅。枕石眠艸藉上。
中夜有兩人共語。一曰。今夜此翁又出矣。吾
視玄象。當在民舍中。頭枕石。脚踣藉而臥。

上聞而異之。卽以首足易位而寢。又一人曰。君誤矣。此翁頭枕藉。脚踣石耳。上不覺汗。決於背。卽還宮。

江陰周鳳。犯罪。官司捕之。歲久少解。暮夜潛歸。妻設酒食盡歡。鳳欲就宿。妻曰。不可。君在外久矣。一宿後。倘有身。何以自明。且人聞妾生子。將踪跡。君爲累不小。世謂其智而有禮。世人有二顛倒。一少年當勤以圖身。反自放逸。

古詩云少年經歲月不解蚤謀身晚歲成無益低眉向世人一老當逸以就安反自勞役古詩云可憐七八十齒落雙眸昏朝露貪名利夕陽憂子孫惟此二事知之不難而知者尚少何況深妙之理乎

恰事以清心所欲以寧神便是扁鵲醫不消請他明裏不傷人暗裏不虧心便是閻羅王不須怕他有時不妄用無時守得定便是陶朱

公不須求他葭莩不妄拔雞犬不妄殺便是
南無佛不消念他

東坡謫海南故人巢谷年逾七十自蜀往唁之
徒步萬里訪二蘇於瘴海之上死而不悔伊
川編管涪州或諷其故人邢恕掾之恕曰便
斬程願萬段恕亦不掾君子小人存心豈不
遠哉

范丞相語云人作好事不堪再說著說著便不

中此語最到

無根本底氣節。如酒漢段人。醉時勇。醒時索然。
無分毫氣力。無學問底識見。如庖人煬竈面。
前明背後左右。無一些矧顧。而無知者。賞其
一時惑其一偏。每擊節歎服。吁難言也。

欲止奢。當念貪。及欲止慾。當念病。及欲止忿。當
念禍。及欲止邪。當念謗。及欲止惡。當念死。及
經曰。佛告沙門。慎無視女人。當如蓮華。不爲泥。

所污老者以爲母長者以爲姊少者如妹
者如女敬之以禮意殊當諦唯觀自頭至足
彼身何有唯盛惡露諸不淨種以釋其意
申闕老百字銘云慾寡精神爽思多血氣衰少
杯不亂性息氣免傷財貴是勤中得富從儉
裏來溫柔終益已強暴必招灾善處真君子
刁唆是禍胎暗中休使箭乖裏放些呆養性
須脩善欺心莫喫齋衙門休出入鄉黨要和

諧安分身無辱。閑非口莫開。世人依此勸。灾
退福重來。

李太白勸世文云。千般營運。不如淺種深耕。死
後披麻。不如在生孝順。結義他人。不如自家
骨肉。買命放生。不如存心莫殺。發願脩行。不
如還了宿債。千般計較。不如本分爲人。

語云。計便宜處失便宜。此處字極有意味。蓋此
念纔思計便宜。便自壞心術。自損陰陽。大失。

便宜卽在此處矣不必到失時見之也

張莊簡公悅督浙江學政始以餽名較士尋去
之曰我且自疑人誰信我請託訖不爲動而
士皆貼服任畱都鎮定簡靜雖中官亦皆敬
禮守備陳某者嘗設席延公子弟問更召何
人曰他人豈可同此席爲時所重如此

陳祭酒詢忤王振謫安陸州同知同僚餞之或
倡爲酒令各用二字分合以韻相協以詩書

一句終之。陳學士循云：轟字三箇車。余斗字成斜。車車車。遠上寒山石徑斜。高學士穀云：品字三箇口。水酉字成酒。口口口。勸君更盡一杯酒。至陳云：轟字三箇直。黑出字成黜。直直直。馬往而不三。黜蓋薑桂之性如此。故廖太史道南贊之曰：秉德惟恒。履險不傾。陸慧曉。歷輔五政。立身清肅。僚佐以下造詣。必起送之。或曰：長史貴重。不宜妄自謙屈。荅曰：

我性惡人無禮不容不以禮處人終身未學
鄉士大夫或問故慧曉曰貴者不可鄉而賤
者乃可鄉人生何容立輕重於懷抱

語言間儘可積德妻子輩亦是涉世不必渡蟻
好生不必出門多阻

上人大病只是自家不肯認差所以多鬱多怒
夫自責自脩有何不妙而必以容氣爭勝也
天下雄心客氣都是資稟中大病不會將學

問。王。夫。磨。鍊。一。番。却。原。是。自。家。受。苦。

處事不能得大體。當觀古名相傳以老吾識。行
事不能決大計。當觀古名將傳以長吾膽。識
爲主。膽爲用。事無難矣。

昔人云。腹不飽。詩書甚于餒。目不接前輩。謂之
替身。不遠聲利。甚于筭骨。不脫俗氣。甚于痴。
楊敬仲先生曰。仕宦以孤寒爲安。身讀書以饑
餓爲進。道居家以無事爲平安。朋友以相見。

疎爲久要理到之言也

陽明云。人在功名路上。如馬行泥淖中。脚起脚落。須有超逸之足。始得絕塵而奔。得意場中能長人意氣。亦能消滅人善根。

文成五彩。搦筆生花。辯溢四筵。開談瀉水。精工言語。於行事了不相干。如管皮毛。與性靈全無關涉。落得一場油滑。怎逃萬轉輪迴。

合下見慈心。任說沽名徼福。生來無媚骨。豈關

立異爲高

鐵杵磨殘○方就謫僊學業○墨池蘸涸○方成逸少
聲名○古人豈必生知○我輩正嫌力淺○

當官不接異色人○最好不止巫祝尼媼○至工藝
之人○用之以時○不宜久畱○與之神狎○皆能變
易聽聞○簸弄是非○儒士固當禮接○亦有本非
儒者○或假文辭○或假字畫○以媒進○一與款洽○
卽墮述中○房琯爲相○因一琴工黃庭蘭○出入

門下依倚爲非遂爲相業之玷若此之類可不審察疎遠

讀萬卷不如識一字說千丈不如行一尺勤脩百億功果不如濟一饑渴窮民廣交天下英才不如近一篤實先輩

祝髮棄父母浮生一彈指乃其利慾心濃於在朝市機械反倍深趙管死方已言顏行跡儒孽案差相似

賈人之海而遇風。盡投寶而不恤。以身重於寶也。樵者爲毒蛇所嚙。斷指而不惜。以全體重於一指也。人當倉卒權衡。緩急甚真。至平居何顛倒而弗顧乎。

韓歆事光武。指天畫地。帝不能容。至于自殺。白樂天諫憲宗。嘗曰。陛下錯矣。帝大怒。貶之。陳執中罷相。薦吳育自代。召之赴闕。因侍宴。醉而坐。睡忽驚。顧拊牀呼其從者。仁宗愕然。遂

斥之不用。曹利用在簾前，每以手擊腰帶。太后不悅，後亦貶死。四臣皆一時名士也。言動之間，偶失簡點，遂致得罪。君父身名俱損，蓋可以忽乎哉。

寇萊公年十九舉進士。太宗取人，年少者往往罷遣，或教公增年。公曰：「吾初進取，可欺君耶？」萊公年三十餘，受知太宗，欲使爲相，嫌其年少。公乃服地黃與蘆朮以反之。髭髮尋白。夫

不冒年于十九之時而速化三十之後何十年間而前後迥別耶甚哉不變塞之難也

吳越王鏐自少在軍中夜未嘗寢倦極則枕圓木小枕或枕大鈴寐熟輒欹而寤名曰驚枕置粉盤于臥內有所記則書盤中比老不倦或寢方酣外有白事者令侍女振紙卽寤時彈銅丸于樓牆之外以警直更者嘗微行夜扣北城門吏不肯啓闕曰雖大王來亦不可

啓乃自他門入。

俗之徒能言而不能行者曰鐵嘴豆腐脚。謂退縮而不敢前者曰鐵鎗頭。嗚呼。艸玄準易似知道矣。而劉棻之累。遽窮蹙以投閣。入角磨盤。似有守矣。而丁謂之召。遽倉皇以便液。是亦一鐵鎗頭而豆腐脚也。

張乖崖帥蜀時。給潞濯紉縫二人。乖崖悅一姬。中夜心動而起。繞室行。但云張詠。小人。小人。

日集三集
遂止將歸出帖子議親云某家室女房奩五百千以禮遣之蓋未嘗犯也國朝曹鼐不可不堪敵張詠小人小人

葉顥初主南海簿攝尉二廣籍盜英克賊捕賞頗重前尉有累捕獲轉至員外者或欲以所獲盜授顥顥曰仕塗發軔如造屋建柱石柱石不正屋隨以傾吾方入仕豈宜自欺聞者歎服

一失脚爲千古恨。再回頭是百年身。莫放過了。親切底工夫。莫虛度了少壯底時日。

毋厚養生以累蟲蛆。毋恃積財以累盜賊。毋陰行險以累鬼神。毋巧取名以累造化。

彭執中云。住世一日。則做一日好人。居官一日。則行一日好事。

金人入洛。禁勿犯司馬光宅。張商英輩乃欲發其棺。虔盜謝達犯惠州葺東坡白雪故居。致

奠而去而呂惠卿之徒乃欲置之鼎鑊

溫公退居于洛十七年荆公罷歸金陵亦十餘年溫公不惟天下重望歸之其心樂道真得退居之適荆公不惟得罪公議其心負愧而無一日之樂觀二公出處可以爲鑒

趙清獻欲絕然掛父母畫像於臥牀中以自監趙康靖中歲嘗置黃黑豆於几案以驗善惡歐陽文忠暮年有小疾不服藥只孤坐習忘

以却之。文節構枯木。菴死心寮。以爲養病之所。伊川於室中。嘗置尖物。劉元城謫炎瘴。舉念絕慾。東坡謫瘴鄉。惟盡絕慾念。爲萬全之良藥。古人克己工夫如此。

呂申公書古詩于屏風曰。好衣不近節士體。梁穀似怕腹中書。富鄭公年八十。猶書座屏曰。守口如瓶。防意如城。又語有群居閉口。獨坐防心。二句最喫緊。

陳繼儒曰。讀未見書。如得良友。見已讀書。如逢故人。

項王有吞嶽瀆意氣。咸陽三月火。骸骨亂如麻。哭聲慘怛天日。而眉容不改。是必鐵作心肝者。然當垓下訣別之際。寶區血廟了不經意。惟眷眷一婦人。悲歌悵飲。情不自禁。高帝非天人。與能決意於太公呂后。而不能決於戚夫人。杯羹可分。則笑嫚自若。羽翼已成。則欲

獻不止。乃知尤物移人。雖大智大勇。不能免。
世上無如人欲險信哉。

趙清獻好焚香。尤喜熏衣。所居旣去。輒數月香
不滅。衣未嘗置于籠。爲一大焙。方五六尺。設
熏爐其下。嘗不絕烟。每解衣。投其間。謂人神
氣四體。誠不可使不潔淨。清正如公而猶不
免此。甚哉一無嗜好之難也。

先正有言。權貴之門。雖係通家知己也。須見面

稀行踪少。就好嘗愛唐詩。有終日帝城裡。不
識五侯門之句。

土方慶遷左丞。無他政事。但不許令史驢入臺
門。終日追逐。時號驅驢宰相。侯思正食籠餅。
必令縮葱加肉。時號縮葱侍郎。趙需紹興間。
爲諫議大夫。上言。自來祈禱斷屠。止禁猪羊。
今後請并禁鵝鴨。胡致堂時在西湖。心之笑。
謂鵝鴨諫議。嚴昇期。則天時爲御史。巡禁江。

南嗜牛肉而多受金時號金牛御史嘉定察院羅相上言。越州多虎乞行下措置多方捕殺。正言張次賢上言。入盤嶺乃禁中來龍。乞禁人行。太學諸生遂有羅擒虎張尋龍之對。吁。身居政府而優游伴食。寵擢言路而蔓行塞責。毫無益于世道人心者。對此可發深省。馮道作長樂老傳。自敘其無恥。蔡京作太清樓侍宴。保和殿延福宮典宴。記自明其不臣元。

顧作會真記。鄭裨作春夢錄。自表其失。行牛僧孺作周秦行記。自陳其蕩志。愚讀之。不能不爲之抵案而作惡也。

李密爲祖母陳情解官。而後以遷遲。怨望獲罪。方望諫。隗囂稱王。而後立劉林以死。李迥秀爲母出忤婦。而晚爲張阿臧私夫。劉殷孝子。而以二女奉劉聰。至太保房玄齡妻爲夫病。剔目。而後以妬聞。太宗脅之以毒。而不懼。臧

質之守肝胎奚減耿恭孔覲之清節何愧乎
續袁覲之才氣亦不下其舅蔡興宗而卒以
從亂誅人固不可以本末論也

家願語錄云薄於修人事而厚於責天報者舉
世皆是使造物何以厭其欲

陶柵林云居家爲婦女們愛隣朋友必多怒色
做官爲衙門歡喜百姓定有怨言

財利等物世間公共原非一己所得而有你看

生前積聚。死後何曾帶得分毫。且今生既無利澤及人。來生亦無福祿到已。循環之理。鑒鑒不爽。慳惜自苦者。可發深思。

許真君論言云。心頭不善。念經無益。違法欺公。脩身無益。不善取利。佈施無益。不明自性。問禪無益。不惜元氣。服藥無益。心高氣傲。廣學無益。時運不通。枉求無益。無心出世。學道無益。生不孝親。死祭無益。不斷殺生。戒葷無益。

屠赤水云。入道場而隨喜。則脩行之念勃興。登丘墓而徘徊。則名利之心頓盡。故諸念不清。宜以佛理而淘洗。六根未淨。可取戒香而熏蒸。

天下事無一件不是人做。然必寬綽細膩真實。寧耐一一從首至尾。節次調停。方克有濟。

陶柟林云。人有怕死一念。生平極要做的事。畢竟做將不去。人有醜窮一念。生平極不要做

的事只顧做將出來

宋儒曰耐煩是學脉。簿書錢穀煩莫甚焉。見以爲煩。未免生厭。纔有厭心。便生熱惱。事滋紛而煩乃滋甚矣。須知事本無煩簡。煩簡從心生。若心事寧耐。隨事用爲處分。毫不犯手。何煩之有。卽此是學。卽此是改耐之一字。吾輩最宜服膺。

誠實以啓人信。我樂易以使人親。我虛已以聽。

人教我自反以息人罪。我遜言以免人忌。我危行以消人鄙。我勵操以止人污。我量力以濟人求。我天下之事盡其在我。

大段觀人。寧取有瑕之玉。不取無瑕之石。周身粧點。不見破敗。豈不見好識者望而視之。莫掩矣。白沙先生曰。多病爲人未足羞。遍身無病。是吾憂可自省也。

看破人情時。不可說破。完得道境後。方宜世境。

涉世深。無一可交之人。乃無一不可交之人。
鍊情久。無一可已之事。乃無一不可已之事。
顧東江舉壬子解元。北上京師。寄同學一書。紀
述所過風物。感慨而寓策勵之意。今讀其書。
慷慨激烈。洵交道所無也。書未段有云。東平
而上。赤地彌目。風景蕭然。直抵恩縣。望德州。
居民始覺有生意。而景獻河間上下。乘風塵。
以禦人於薄暮者尤多。車行二十里。頓感風

汰之外又有卒然不虞之想因思生長東南
習慣優逸此來忝預計借兼值和煖猶且不
堪若緣徭役轉輸或值患難無車馬以代步
無僮僕以給使令窮寒沍陰風霰交集其爲
淒涼何可言也又見緣途人家子弟未出十
四五者往往驅逐驢騾奔走道路或拾不潔
屑目亦不甚惡間有教童子者所習雖百家
姓亦手寫而讀之如此雖有美質欲成就難

矣。南方書籍汗牛充棟，鮮衣美食，淨几明窗，
父兄師友優養，期待視彼何如？而前此皆悠
悠度日，莫肯奮勵，不因此行，孰知一向之慚
愧耶？昔太史公周遊海內，覽觀山川形勝，古
今遺跡，而後文章益大肆，僕此來乃併於人
事而有感焉。敢悉以告我同志，互相策勵，以
無負天所以厚我之意，而睽離契濶之私，固
有不足言者。

愚夫婦見搬戲聽說衍古本到哀苦處淚霑霑
下這滴滴點點都是如意寶珠也今人見此
等人便笑以爲歎正是日用而不知

氣清天朗悲者無限淒涼怪雨冽風樂者恣情
觴咏優游閒坐短日見長勞攘奔波脩景亦
促風光日景無有差殊影事妄情遂生分別
人且不能定情如何造命

人生高不論科名卑不論一命達不論軒冕窮

不論布衣。但令居身無玷。鄉里效慕。窮賤亦尊。若使毀棄隄防。寡廉喪恥。通顯亦辱。斯理昭然。而人不悟。良可歎也。然士人不能簡身。大都爲衣食所累。未遇則思溫飽。旣遇則戀繁華。竟不能實其身爲無瑕之玉。所以呂正獻公嘗引古人詩曰。好衣不近節士體。梁穀似怕腹中書。人能不以衣食自累。而讀書厚自隄防。則置身潔白。而與聖賢同歸矣。

想自己身心到後月置之何處顧本來面目在
古時像箇甚人

一。生在君父恩中間何報稱百事有兒孫分上
勸且寬容

官守二字可味操守之守要清心守待之守要
耐心乙丑病中題壁自慰十數年來皆覺得
加

貧不足羞可羞是貧而無志賤不足惡可惡是

賤而無能。老不足歎。可歎是老而虛生。死不足惜。可惜是死而無補。

自古聖賢做功夫。豈止數行書著力。從今宇宙皆吾事。莫將第一等讓人。

榮枯倚伏。寸田自開。惠逆何須歷問。塞翁脩短。叅差四體。自造彭殤。似難專咎司命。

子孫不肖。還是祖父餘殃。莫只嗔恨子孫。主師不錄。總是時命未順。莫便怨望主師。

蒼蠅附驥捷則捷矣難辭處後之羞焉蘿附松
高則高矣未免仰攀之恥是以君子寧風霜
自挾毋爲魚鳥親人

忙裡要偷閒須先向閒時討個橋柄鬧中要取
靜須先從靜處立箇主宰不然未有不因境
而遷隨事而靡者

老來疾病都是壯時招的衰後罪孽都是盛時
作的幼而好學日出之光須競競焉

閒中不放過。忙處有受用。靜中不落空。動處有受用。暗中不欺隱。明處有受用。少時不怠惰。老來有受用。

宋郊居政府。上元夜。在書院讀周易。其弟學士祁點華燈。擁歌妓。醉飲達旦。朔日諭所親。令詩讓云。相公寄語學士。聞昨夜燒燈夜譙。窮極奢侈。不知記得某年上元。同在某州州學內。喫麇煮飯時否。學士笑曰。却須寄語相公。

不知某年同某處喫葢煮飯是爲甚底恩謂
此一語視王曾一生不在溫飽張詠一生不
爲輕肥何如而郊所記上元喫葢煮飯亦是
何事此處最可猛省

害莫大于婢子造言而婦人悅婦人附會而丈
夫信男正乎外女正乎內禁此二害家政肅
矣

窮漢知所經營來路便量他不得名流趨有徑

實後路便保他不得

李文節燕居錄云在公堂行一私枉一法購不過
過吏胥在私宅行一法受一物購不過僮僕
夫惟可使吏胥見可令僮僕知則庶矣

李文節燕居錄云錢也是天下一件好東西廉
者辭之以爲廉仁者施之以爲惠余欲作錢
神論將此立意

今日居官受祿須思往日秀才時又須思後日

解官時思前則知足思後則知儉此退去心
未○來○心○似○不○可○無○

士君子有超邁之才闕博之學必須與佳山水
好風月兩相映發盪我機神又須神交身覲
古今聖賢豪傑爲磨礪洗發之藉又須從猛
風逆浪老雨窮途中簸練一番庶幾心性動
忍不學使于氣質不沒溺于庸陋若第悠悠
忽忽虛僞持氣未見安身立命確有處所何

所得參上流品格乎。

李文節燕居錄云。丁酉年余五十六歲。因念人生七十古來稀。今去七十十餘年耳。卽爲善已苦來日無多。何暇爲不善乎。

功名浮物。非駐足地。先周望登第後。寓書與余。謂向時迷陋。視一科名。以爲究竟。正如海師妄認魚背。謂是洲岸。吾輩須大開眼目。提起此身。在公卿大夫之上。勿令爲些小得意事。

壓倒卽前頭有無窮進步地矣。

魏文帝以火性酷烈無含生之氣。其所傳火

浣布爲不然。著之典論刊石太學廟門及齊

王芳時西域來獻此布詔大將軍太尉臨試

以示百僚遂刊滅此論天下笑之。時人耳目

短淺所不經見輒以意斷其有無如後儒謂

無鬼神及天堂地獄之說皆典論類也。此病

俗儒尤甚。

世間極閒適事如臨汎游覽飲酒奕棋皆須覓
伴尋對惟讀書一事止須一人可以竟日可
以窮年環堵之中而覽觀四海千載之下而
覲面古人其精微者可以芥藻性靈其宏肆
者可以開拓見聞天下之樂無過於此而世
人不知殊可惜也

伊菴權禪師用功甚銳在衆未嘗與人交一言
至晚必流涕曰今日又只恁麼空過嗟呼余

輩犬馬之齒已長空過從前多少日子都不
覺知都不鞭策不知來日尚有幾何不知後
來作何結果念之心悸

富貴之家其聞人面目已見可憎而主賓相對
作勢利談亦覺無味故士君子於此可以無
求便宜少往所謂寧令怪其不來無令厭其
數至也

盛寅先生夜夢有寄椒其家者急欲椒遂私發

用之寤而深自咎曰。豈義心不明。故至此耶。迄不能寐。此與某節婦夜夢有男子調之起。自悔責至。毀其容相似。真所謂獨寢不愧衾者。夜卜諸夢寐。學者於此。亦不得艸艸畧過。富貴家兒。蚤眠晏起。朝不見辰。曉晚不見夕。愧。人生幾何。晝夜分半。又以其有用。日加強半。付醉夢中。以此爲學。學業荒。以此治生。生事蹙。詩云。夙興夜寐。無忝爾所生。尚勗之哉。

諺云若要小兒安長帶三分饑與寒士君子亦
須帶得幾分饑寒然後骨堅神緊內可以練
性真外可以經世務若向肥甘軟滑中養却
悠悠忽忽便斷送一生矣

宋蓋巨源爲縣令因買羅於公廳上手自拓量
其侍婢從屏間見之惡曰不意今日却事一
羅絹牙郎因求去不可畱

詩書乃聖人之供案妻妾乃屋漏之史官

武士無刀兵氣。書生無寒酸氣。女郎無脂粉氣。
山人無烟霞氣。僧人無香火氣。換出一番世
界。便爲世上不可少之人。

兒女情。英雄氣。並行不悖。或柔腸。或俠骨。總是
吾徒。

坡公云。黃沙枯髑髏。本是桃李面。而今不忍看。
當年恨。不見色目者。宜爲一反觀。

面上掃開十層甲。眉目纔無可憎。胸中滌去數

斗塵語言方覺有味。

肝膽煦若春風。雖囊乏一文。還憐乳獨。氣骨清。
如秋水。縱家徒四壁。終傲王侯。

憂勤是美德。太苦則無以適性。怡情澹泊是高。
風。太苦則無以濟人利物。

誠世十著云。第一著忍些。好多忍耐。少煩惱。艱。
苦自家知。便益隨人討。放鬆肚皮。謹閉口。不。
怕撞著無理鳥。第二著寬些。好是個大容的。

小肚腸空窄。搬較量多與少。一條大路儘人
行。荆棘叢中要跌倒。第三著靜些好。是非場
多鬧炒。無事蚤關門。有飯休儘飽。閒閒散散
樂陶陶。何苦奔波滿街跑。第四著淡些好。淡
滋味無價寶。酒淡不醉人。菜淡少病惱。淡淡
交情耐久長。富貴穠華難守保。第五著省些
好。費用多來路少。精神休逞強。心機休弄巧。
省些福分與兒孫。免得自身都使了。第六著

平些好做蹊蹺成懊惱路間有不平剗削定
是蚤老佛指出平等心免人墮落畜生道第
七著讓些好路徑窄迴避蚤驢馬望前擠一
定擠個倒憑人向上我抽身傀儡戲場先看
飽第八著癡些好會使乖偏不巧除夜賣癡
猷收買如活寶癡人從來有癡福伶俐奸欺
窮到老第九著笑些好鎖愁眉容易老鎮日
笑嘻嘻睡到日出卯花前月下籬笆邊拍手

打掌齊叫好。第十著窮些。好免經營沒處討。
無字入公門。有興眠芳艸。梁上君子不下顧。
化緣僧道靜悄悄。

書是同人。每讀一篇。自覺寢食有味。佛爲老友。
但窺半偈。轉思前境真空。

救已敗之事者。如馭臨崖之馬。休輕策一鞭。圖
垂成之功者。如挽上灘之舟。莫少停一棹。
聖人之言。須嘗將來眼頭過。口頭轉。心頭運。

士君子當使此衷。如果日當空。寒潭徹底。縱經
千古。下審來茲。將成敗利害得失是非。盡呈
眉睫之間。恣我酌取。事來則爲迎刃。事過則
爲虛舟。旋乾轉坤。纖毫不動。此乃是豪杰施
爲。亦是聖賢實用。

天下之最討便宜者。莫如做好人。特人未之思
耳。

仁厚刻薄。是脩短關。謙抑盈滿。是損益關。勤儉

奢情是貧富關。保養縱恣是人鬼關。

李文節燕居錄云。翰林官能壞人。衙門冷。易苟體面好。易傲。無政事。易懶。無風波。易放。

李文節燕居錄云。余生而貧寒。故忍得貧。纔不貧。便足見人貧。憐之。余晚成。故有耐性。其在館中讀書。或急於散館。予偏愛同年之聚樂。課業之長益。其在仕途。儘稱順。然未嘗有速化意也。予才弱。子因念予。然一身耳。所需幾

何○廣○積○財○帛○欲○以○遺○何○人○故○有○所○不○受○不○取○
爲○無○用○也○凡○此○皆○余○缺○陷○處○然○皆○余○得○力○處○
居○富○貴○嘗○憐○窮○困○受○快○樂○嘗○恐○災○禍○見○在○嘗○思○
知○足○未○來○嘗○思○戒○懼○冤○結○嘗○求○解○脫○衣○食○嘗○
思○來○處○起○念○嘗○教○統○正○出○語○嘗○思○因○果○逆○境○
一○嘗○當○順○受○動○靜○嘗○付○無○心○守○此○十○嘗○更○無○煩○
惱○

士○大○夫○損○德○處○多○絲○立○名○心○太○急○

武林張恭懿公名瀚釋褐觀政都察院其時臺
長爲儀封王公廷相一見卽器重公延坐語
之曰昨雨後出街衢一與人躡新履自仄廠
歷長安街皆擇地而蹈兢兢恐汗其履轉入
貫城漸多泥滓偶一沾濡更不復顧惜居身
之道亦猶是爾倘一失足無所不至矣公佩
服其言終身弗忘

春至時和花尚鋪一段好色鳥且嘯幾句好音

士君子幸列頭角復遇溫飽而不思立好言
行好事雖是在世百年恰似未生一日

一味不耐煩是我平生大病蓋日用應酬雖極
鄙瑣能從此處尋出一團精細光景纔是學
問工夫若徒避事避人自圖安靜真暴棄之
尤所宜痛改

事稍拂逆便思不如我的人心稍怠荒便思勝
似我的人則風斜雨急處自立得腳定花濃

柳艷處自著得眼。高路危徑險處自回得頭。
蚤。

陰陽家有言曰。千里來龍。須看到頭一節。士大
夫晚節末路。比少年初任。更須謹嚴。

京中一大條云。近日士大夫。不要孔廟兩廡喫
得肉。只要闍羅殿前過得堂。便是好漢。此雖
憤世之談。實警世之論。

東坡謫海外。以陶柳集爲友。張子韶列諸聖賢。

像於座上朝夕對之。又有室中置楊伯起影者。又有置范文正公像。每日拱向三次兩次者。古人攝心皆有道矣。

欲遠小人。且借他一頂君子帽。欲爲君子。須掘斷萬種小人根。

以宇宙第一流人品自期。方僅免爲齷齪漢子。以宇宙第一等事業自砥。方僅免爲溫飽前程。固是取法乎上。僅得乎中。亦是立志非難。

實踐爲難

張敬夫几席不正。雖深夜必使人移之。薛敬軒見器物少有不正。心便不安。必移正之。方外利用之功要如此。

待有餘而後濟人。必無濟人之日。待有暇而後讀書。必無讀書之時。

嘗與友人閒談云。我輩讀書博一第。哀然居四民之上。自謂朝廷倚任。生靈利賴。而孰知日

日○行○的○是○害○人○事○件○件○行○的○是○折○福○事○時○時○
做○的○是○違○心○事○在○在○做○的○是○背○理○事○此○雖○某○
下○愚○自○省○之○危○言○然○亦○可○爲○中○人○鍼○砭○

祖○義○云○人○生○貴○賤○皆○當○勞○苦○只○這○一○碗○飯○自○勞○
苦○來○若○不○勞○苦○何○以○消○之○此○言○有○理○也○

終○日○端○坐○畧○無○勞○事○未○饑○而○飯○至○未○寒○而○得○衣○
飲○酒○食○肉○呼○奴○使○婢○居○有○室○廬○出○有○舟○輿○可○
謂○色○色○如○意○不○於○此○爲○善○更○且○使○性○氣○縱○喜○

怒甚者造罪業。豈不大可惜乎。嘗與此念。久
久自然寡過。

大惡多從柔處伏。哲士須防綿裏鍼。深仇嘗自
愛中來。達人宜遠刀頭蜜。

當得意時。須尋一條退路。然後不死於安樂。當
失意時。須尋一條出路。然後可生於憂患。

蔡君謨嘗書小吳牋云。李及知杭州市。白集一
部。乃爲終身之恨。此清節可爲世戒。乖崖鎮

蜀當遊時士女環左右終三年未嘗回顧止
重厚可爲薄末之簡押

韓魏公爲相作久旱喜雨詩斷句云須臾慰滿
三農望收斂神功寂似無人謂此真做出宰
相事業也在北門重陽有詩云不差老圃秋
容淡且看寒花晚節香公居嘗謂保初節易
保晚節難故晚節事事尤著力又作喜雪詩
云危石蓋深鹽虎重老枝擎重玉龍寒人謂

公身雖在外。自任以天下之重如此。

心不可有一毫之偏向。有則人必窺而知之。余
嘗見一走卒稍敏捷。使之稍勤。下人卽有趨
重之意。以是知爲官者。當明白正大。不可有
一毫偏向。

宋陳瓘有斗餘酒量。每飲不過五爵。雖會親戚
間有歡適。不過大白滿引。恐以長飲廢事。每
日有定課。自雞鳴而起。終日寫跡。不離小齋。

倦則就枕。既寤卽興。不肯偃仰枕上。每夜必置行燈於牀側。自提就案。人或問公何不呼喚使令者。公曰。起止不時。若涉寒暑則必動其念。此非可嘗之道。偶吾性安之。故不欲以勞人也。

二程隨侍太中知漢州。宿一僧寺。明道入門而右。從者皆隨之。伊川入門而左。獨行至法堂上。相會伊川。自謂此是某不及家兄處。蓋明

道和易人皆親近伊川嚴重人不敢近也一
近來學者多是以自家合做底事報與人知如
有飯不將來自喫只要鋪攤在門前要人知
我家裏有飯打疊得此意盡方有進

或問人經患難皆是不幸事曰患難亦是不經
事人良藥有一服可以治其終身之疾者士
大夫往往有之柳子厚服此藥稍遲耳

寧耐是思事第一法安詳是處事第一法謙退

是保身第二法。涵容是處人第一法。置富貴
貧賤死生。嘗變於度外。是養心第一法。
靜定後。看自家。是甚麼。一箇人。

君子與小人。就形跡上觀。節義廉潔。文章政事
之類。君子能之。小人亦或能之。常易相混。惟
一點存心處。則善惡懸絕。若黑白之相反。
凡多積陰德。諸福自至。這一般利。是取之于天。
盡力農事。加倍收拾。這一般利。是取之于地。

善教子孫。後嗣昌盛。這一般利。是取之于人。
諸如此利。俱不用文約。不廢貲本。不定分數。
不用追討。不傷和氣。不取怨惡。不招詞訟。不
致坑陷。不怕花費。却正大光明。傳得久遠。

嗜慾萌生。遂後必悔。忍過必樂。忿怒亦然。

世間事。無巨細。都有古人臨下底法。程誦詩讀
書時。便想此。可以爲我某事之法。可以樂
我某事之病。如此。則臨事時。觸之卽應。不待

思索

或勞先生人事之繁先生曰凡事只得奈煩做料去才起厭心便不得

怒時言語都忘體怒後思之自家鄙瑣肺腸全被人覷破了

身爲士大夫則此身便爲射的矣故一言一動不可不慎

宋太宗嘗謂宰相曰流俗有言人生如瘡于大

寒大熱中過歲寒暑迭變不覺漸成衰老苟
不競爲善事虛度流年良可惜乎

今人怕死至傷生之事却敢爲聖人於傷生事
不敢爲到臨死却不怕

端居丈室如擔百二十斤擔子從獨木橋上過
脚蹉手跌則和自家性命不可保况復與人
抽釘拔楔救濟他人也

人在世間日失一日如牽牛羊詣屠所每進一

步去死轉近得不猛省。

四隣日日見有死者。嘗于此儆省。自無歇手處耳。古教云。我見他人死。我心焚如火。不是熱他人。看看又到我。

十二時。茫茫萬緒。亦知閒世界。何存百千念。滾滾六塵。須識真主人。自在。

第一爲身口所累。其次爲眷屬所累。又次爲家火所累。這三種累累殺天下人。忙了一世閒。

了一世。苦了一世。乾弄了一世。空過了一世。
何況又因這三種累。起了無量貪嗔癡。造了
無量大小惡業。

文中子曰。北山黃公善醫。先寢膳而後針藥。次
陰侯生善筮。先人事而後爲卦說。